



LE FAICT DV PROCEZ PENDANT au grand conseil, entre Maistre Isaac Delartigue Abbé de la Roe subrogé aux droicts de Monsieur le Cardinal de Sourdis, demandeur en requeste civile pour raison du prieuré du Pertre, & en crime de faulx.

Et Maistre Yues Fiot Tresorier general en Bretagne Defendeur.



JEAN le Mestayer dernier paisible possesseur du prieuré de Pertre Diocèse de Rennes, passe le 11. Novembre 1593. procuration pour resigner en Cour de Rome iceluy prieuré en faueur de Jean Dubosc.

Le sixiesme Ianuier 1594. ceste resignation est admise, laquelle ledit Dubosc scauoit bien, & par consequent sa negligence ou paresse le priue de son droict, car

Le douziesme May 1595. il prend visa del'ordinaire sur icelle, & seulement,

Le dixhuietiesme Iuillet 1597. qui est trois ans six mois, & douze iours apres il obtient Arrest du Parlement de Bretagne (son resignant mourant à Rennes au lieu appelé le Flaseon) pour prendre possession à Rennes en vne chapelle, & le lendemain,

Le dixneuuesme Iuillet 97. iour de la mort de son resignant, il prent possession en vne chapelle à Rennes, & si il ne la public pas, & depuis, qui est



Le 23 d'aug moie de iuslle) cinq Jours apres la mort de Maistre
Il faitz Insinuer ses procures au greffe des Insinuations a Rennes

2

Le neufiesme Aoust 1598. il prend possession sur les lieux, &

Le 17. Aoust 98. ce Dubosc resigne à Iean Ioliuet lequel est pourueu, & ayant pris possession.

Le 25. Iuillet 99. resigne à Guillaume Chapellet qui est aussi porueu, & resigne

Le 13. Septembre 1601. à Yues Fiot lequel prend possession : mais au parauant ceste prouision par resignation de Chapellet, il s'accommoda si bien avec Ioliuet confident & simoniacle, gardant ce benefice pour le sieur de Montmartin de la religion pretendue reformée, qu'il auoit obtenu vn deuolut sur Ioliuet resignant de son resignant.

Le 4. May 600. pris possession & obtenu Sentence de recreance contre tous pretendans droicts, mauuais vſage & pratique de Bretagne, & sur icelle vn Arrest du 15. Mars 1601. du consentement de Ioliuet confessant sa turpitude, & apres l'auoir par ce moyen, il l'impetre apres par la resignation de celuy par la turpitude duquel il l'auoit, ce qui monstre la legalité dudit Fiot.

Or ledit sieur Cardinal dit que le benefice vacque par la mort de Mestayer par deux raisons indubitables, l'vne qui a esté iugée au Conseil au mois d'Aoust, 1606. pour la prebende d'Oliuier de la Cathedrale de Paris, à ſçauoir qu'il y a trois ans six mois & treize iours entre la prouision de Dubosc du sixiesme Ianuier 94. & la possession du 19. Iuillet 1597, iour de la mort du resignant, & en la prebende de Paris, il auoit surueſcu six iours.

L'autre qui est encores plus, dont tous les docteurs sont d'accord, est que Dubosc *distulit in diem & horam mortis* de prendre possession. Car par l'extraict du iour de la mort de Mestayer, il se trouue qu'il est mort le mesme iour de la prise de la possession du 19. Iuillet 1597. Tellement qu'apres les trois ans il ne peut plus prendre possession, lors de la maladie ou decez de son resignant, & le Conseil se souuiendra qu'au cas de ladicte prebende de Paris il y auoit six iours francs entre la prise de possession & le decez, & si ceste prise de possession auoit esté du contentement du resignant, qui

3
l'auoit tesmoigné au chapitre.

Après ces deux moyens ledit sieur Cardinal qui est pourueu par la demission de monsieur le Cardinal de Giury qui en est pourueu, en 97. par le decez de Mestayer, adiousté que Fiot n'est pas sans soupçon d'estre & confident & monopolant, puis qu'il est resignataire de celuy qu'il a conuaincu de confidence.

D'ailleurs il n'a fait apparoir de procuration à resigner de Chapellet.

Item il ne fait apparoir des originaux des pieces de Dubosc & de Chapellet.

Item il ne fait apparoir de la procuration de Dubosc au profit de ~~Chapellet~~. *Jo Liuet*

Et à tout cela il respond qu'il y a peremption d'instance & qu'il se defend de la reigle *de triennali possessore*.

Mais ledit sieur Cardinal a monstre par les dattes qu'il n'y a pas eu vne année libre & sans procedure. Car Fiot doit demeurer d'accord avec les liures que la reigle *de triennali* n'est que personnelle & non réelle, & *non transi ad successorem*.

Tellement qu'il n'est pourueu qu'en Septembre 1601. par resignation, & par deuolut en l'année mil six cens, & maintenu par Arrest de Mars 1601. Et il est troublé & assigné en 1602. Il y a procedure 1603. & communicatiō par les parties, il y a nouuelle commuication & procedure par les parties en 1605. & puis la cause mise au roolle en 606. au commencement requeste présentée par Fiot mesmes le 17. Avril 606. il est donc vray qu'il n'y a paisible possession.

Aussi s'est il defendu lors del' Arrest d'un autre moyen, car il soustient que Dubosc auoit pris possession le sixiesme Feurier 1597. icelle publiée les 8. & 15. Iuin 1597. mais il garda ses pieces qu'il n'auoit point communiquées, iusques à la fin du quartier, trois iours deuant l' Arrest qu'il les fait recevoir, & là dessus il est iugé que la resignation est bien admise & effectue viuant le resignant, & *non moribundus*.

Lartigue prouue que ces pieces sont fausses par la deposition de ceux qui les ont signées par l' Almanac qui dement

la datte , & monstre que le sixiesme Feurier n'estoit pas vn dimanche comme dit l'acte: ains vn ieudi, & a baillé ces moyens de faux qu'il estime auoir verifiez.

Ce que Fiot voyant, il dit que la question iugée n'estoit pas là dessus, ains que le Cardinal de Sourdis a esté exclus du tout pour deux raisons, l'une qu'il n'auoit que le droict du Cardinal de Giury pourueu par la mort de Mestayer, lequel Cardinal de Giury *abdicauerat* par le silence de trois ans, & d'ailleurs que ledit Fiot estoit triennal possesseur, & le Conseil a prononcé sur ces lettres & la reigle *de triennali*.

La responce est que le Cardinal de Giury estoit pourueu en 1597. forme complainte 1598. obtenu des defaults 1599. auquel temps Fiot n'auoit point de tiltre. Car son deuolut est de May 600. & sa resignation de Ioliet de Septembre 1601. & en 1602. Monsieur le Cardinal de Sourdis le trouble & continue ses poursuites tous les ans 602. 603. 605. & 606. comme les dattes des procedures du proces iustifient.

Il faut donc confesser que le Cardinal de Giury *non habuit ius pro derelicto*, puis que *libelli oblatione instantiam formauit*. Mais Fiot se persuade que le simple exploict n'interrompt point par la reigle *de triennali*. Ce qui est contraire à la doctrine des liures, *Rota in decisione 154. in antiquis*, dit expressement que *litus contestatio nō est in possessorio causa beneficalis necessaria*, & le chap. 1. *de libelli oblatione*, & la glose vniue dit fort bien que, *per talem libellum sic oblatum iudici & postea reo actio annalis perpetuatur*, comme dit le texte de la loy, 2. *Cod. quando libellus oblatu principi faciat litis contestationem*, comme dit Lauthent. *litigiosa. C. de litigiosis*, *litigiosa res est de cuius dominio causa mouetur inter possessorem & petito rem iudiciali cōuentione vel precibus principi oblati & iudici insinuat* & *per eum futuro reo cognitis*, qui est en effect prendre vne commission en complainte, & bailler les assignations: mais ledit sieur de Giury a fait d'auantage, car il a obtenu des defaults contre Dubosc, qui emportent contestation.

Et quant à la defense de Fiot sur la reigle *de triennali*, il faudroit changer le fait pour en rencontrer le profit pour Fiot, il est pourueu en May 600. par deuolut sus Ioliet, il est

pourueu par la resignation de Ioliuet en Septembre, 1601. il est assigné par le sieur Cardinal de Sourdis en 1602. il est pourfuyui en Aoust 602. retétion & cōmunication en 1603. les pieces rendues le 23. Aueil 603. autre cōmunication, des tiltres en Iuillet 1605. requeste presentée par Fiot le 17. Aueil 606. pour auoir delay de recouurer ses pieces, iugé en 606. & où trouuera il sa paisible possessiō? Car d'accumuler la possession des autres precedēs ses prouisions, ce seroit se mocquer des liures, & dire que la reigle qui est personnelle *transfret ad successorem*, dont tous les D.D. sont d'accord, *non transfret*.

Aussi le Conseil a trouuē que Fiot n'estoit triēal paisible possesseur, & que le moyen de droict estoit vray & pertinēt, & l'a ainsi iugé receuant la requeste ciuile contre ledit arrest de maintenuē dudit Fiot, obtenu sur ce qu'il auoit donné entendre que Dubosc auoit effectué la resignation dans les trois ans: & pour preuue de ce auoit produit vn acte de refus de pretendue possession du 6. Feurier 97. & deux actes de publicatiō de ladite pretendue possessiō des 8. & 15. Iuing 1597. Le tout estant faulx: & disoit aussi, qu'il estoit triēal paisible possesseur, & a ordonné qu' auparauant faire droict sur ladite requeste ciuile, que ledit Delartigue prouueroit les moyens de faulx, que Nicolas Malescot notaire apostolique representeroit la minutte dudit pretendu acte de refus du 6. Feurier 97. & que d'icelui en seroit fait extraict du gref-fedes insinuatiōs de Rennes, suiuant lequel Arrest, ledit Delartigue preuue clairement & la fausseté de l'acte du 6. Feurier 97. & celle de l'acte des publicatiōs des 8. & 15. Iuing 97 par les tesmoings numeraires desdits actes des 8. & 15. Iuing, 97. qui disent qu'ils n'ont signé cest acte que depuis peu.

Qu'ils l'ont signé à la priere de Fiot.

Qu'ils furent solitez & pressez de ce faire, par ledit Malescot & vn nommé Ioliuieres agent dudit Fiot.

Que ledit Malescot leur donna lors à entendre que cela ne faisoit aucun preiudice à personne, ains seruoit audit Fiot leur maistre, comme prieur dudit prieuré.

Qu'ils disent que lesdits Malescot & Fiot voyant ceste inscriptiō en faux leur ont persuadé de ne dire pas la verité

de ceste signature d'acte, ains de persister qu'elle estoit vraye.

Qu'ayant deuant notaire déclaré la fausseté desdits actes des 8. & 15. Iuing 1597. & la façon dont ils auoient esté surpris, lesdits Malescot & Fiot les ont priés de reuoker telles declarations.

Que Malescot estimât qu'ils reuqueroiēt telles declarations, a dressé la minute desdites declarations reuocatoires.

Que ceste minutte se trouue escrite à moitié de la main dudit Malescot, corrompant le tesmoing, & l'autre moitié de l'un des tesmoins qu'il vouloit corrompre.

Que ce tesmoing mesmes a représenté ceste minutte au Commissaire.

Que ledit Malescot mesmes luy ayant ceste minutte esté représentée par le Commissaire, l'a confessée escrite de sa main en partie, mais desnie la subornation.

Que ledit acte du 8. & 15. Iuing fut signé en la chambre dudit Malescot en l'année 1606.

Qu'aucuns depuis peu decedez ont déclaré à la mort qu'ils auoient la conscience chargée d'auoir signé des declarations que l'acte estoit vray.

Que l'un de ces tesmoins numeraires ayant au commencement persisté, & demeuré à l'acte, en fin meü ou de la crainte de Dieu, ou de la punition, seroit reuenü au commissaire, demandé d'estre ouy de nouueau & dit la verité, demandant pardõ de sa deposition precedēte qu'il auoit faite à la priere dudit Malescot.

Quant à l'autre acte du 6. Feurier 1597. ledit Delartigue iustifie la fausseté par l'almanac, d'autant que ledit Malescot dit que ce 6. Feurier 97. estoit vn Dimanche, & il se trouue par l'epacte & par l'almanac que c'estoit vn ieudi.

Que Malescot se voulant excuser de ceste faulse datte, a dit qu'il estoit si estourdi lors de cest acte, pour auoir esté battu le iour precedant par des soldats qu'il ne scauoit ce qu'il faisoit.

Preue que ceste piece est faulse par la conference de l'autre des 8. & 15. Iuing, car par celle cy du 6. Feurier, 97. il est porté que Dubosc y estoit present, & toutesfois n'a point

signé cet acte qui lui seruoit d'acceptation necessaire, & par cet acte des 8. & 15. Iuing, il dit qu'il luy a esté impossible de prendre possession en personne, combien qu'il l'ait prise comme il a peu, ce qui n'est pas compatible.

Item l'acte faux, car Malescot dit par iceluy qu'il n'en a point dressé & gardé de minute, & toutesfois c'est luy qui l'a representée au Commissaire comme minute, en obeyssant à l'Arrest du Conseil.

Ce qui est encore iustificié faux, car Lartigue a produit des actes possessoires dudit Mestayer resignant (faits depuis ces actes faulx) qu'il n'eust pas faits si son resignataire Dubosc l'auoit depossédé, & encores c'est Malescot qui execute ces actes possessoires de Mestayer, qui est constitué par lui à cet effect: ce qui seroit contraire à ces faux actes de possession de Dubosc.

Item faux, car Malescot dit par son interrogatoire que Mestayer estoit present à cet acte, & que luy & Dubosc l'en vindrent prier, & l'un ni l'autre ne l'a signé, ce qu'ils eussent fait s'il estoit veritable.

Ce qui a meue le Conseil d'interloquer, a esté les deux dates qui sont en cet acte du 6. Feurier 1597. car l'une est 96. & l'autre 97. la premiere est dans les trois ans, la seconde vn mois apres les trois ans: tellement qu'il n'estoit pas certain si Dubosc s'estoit mis en quelque deuoir pendant les trois ans de deposseder Mestayer: & à ceste cause le Conseil fit deux choses allant à la decision.

L'une que par l'arrest, pour s'asseurer, il ordonne que la minute de cet acte du 6. Feurier 1597. seroit representée par Malescot.

Et l'autre qu'il garde vn *Retentum* qu'il demeureroit en entier, depuis sur les actes du procez, car si la date est apres les trois ans (comme elle est) nous sommes en plus forts termes que la prebende de Paris, ou le resignant auoit consenti la possession du resignataire & auoit suruescu six iours.

Or maintenant la verité est cogneuë par le procez & par la confession de Malescot, & de Fiot que cet acte faulx est du 6. Feurier 1597. par consequent il est de trois ans vn mois

apres la resignation admise de Mestayer à Dubosc, & d'ailleurs Malescot mesmes & notaire & prestre & vicaire au prieuré de Mestayer est d'accord qu'autre n'a iouy que Mestayer.

La iouyssance dudit Mestayer est encores iustificée par les procedures qu'il a faictes en qualité de prieur Dupertre iusques au 12. Iuillet 97. aux requestes du palais à Rennes, qui sont sept iours deuant sa mort, ou il obtint sentence à son profit cõtre les particuliers subiects dudit prieuré Dupertre pour les droicts d'iceluy.

Aussi en tout le procez Fiot ne produit vn seul acte vray par lequel il face apparoir que du viuant de Mestayer Dubosc l'aye depossédé de la iouyssance dudit prieuré, ni fait acte de prieur qu'apres sa mort, mesmes insinué ses prouisions, de maniere qu'il est iustifié clairement que ledit Mestayer est decedé en possession dudit prieuré & iouyssant d'iceluy, comme aussi Malescot le depose.

Que reste il plus rien à iuger que la question de la prebende de Paris tenue pour maxime certaine, que si dans trois ans le resignant n'est depossédé actuellement, il vacque par sa mort.

Fiot pour essayer d'eluder ceste preuue & euitier le iugement à appelé de la procedure du Commissaire executeur de l'Arrest, Conseiller au Parlement de Bretagne: mais il n'allegue que des faits de monopolle & intelligence dudit sieur Commissaire, qui est homme d'honneur & de vertu & a tres-bien trauaillé.

Monsieur Bantru Rapporteur.

